



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

**Brevis Synopsis Vitæ, Ac Virtvtvm P. Antonii Ivlii Brignole  
E Societate Iesv**

**Visconti, Giovanni Maria**

**Antverpiæ, 1671**

Cap. V. Oratio P. Antonii Iulii & unio cum Deo.

**urn:nbn:de:hbz:466:1-43372**

## C A P V T V.

Oratio P. Antonii Iulii & unio cum  
Ded.

Cum sit domus Dei peculiari quādam ratione domus orationis, P. Antonius Iulius præfixit eam sibi perinde atque principium virtutum suarum religiosatum, & magno studio & serio applicabat se omnibus exercitiis spiritualibus Orationis, lectionis, examinum, & omni generi devotionis, per quæ media comparavit sibi arctam, affiduam, sapidam, & affectu plenam consuetudinem cum Deo. In hujus virtutis probationem, ut non hæreamus in generalibus terminis, serviant particularia, quæ subjungo. Exercitationes spirituales præscriptas in Religione exequebatur omnes quotidie integras; quantumvis oppidò occupatus, & quam exactissime; impendebat illis totum tempus statutum, non tantum quando eas obibat solitis locis, & temporibus, ad signum campanæ com-

## G              munis;

munis; verum etiam quando ex aliqua  
occurrente occasione cogebatur eas  
implere alias & alibi, & tum ut particula  
*bonæ diei eum non præteriret* metiebatur  
tempus ad clepsydram, quam semper  
secum gestabat, etiam quando iter fa-  
ciebat. Ad horam statæ orationis ad-  
jungebat indies aliam semihoram de-  
terminatam, quam sumebat sub vespe-  
ram, non solum in Novitiatu; ut alii,  
sed etiam in secundo anno, quo adhuc  
tyro, fuit occupatus in Collegio ad re-  
petendam Theologiam, & omnibus ex  
ordine sequentibus annis, usque ad fi-  
nem vitæ: adeo ut bene dici posset,  
majorem partem suæ vitæ, & frequen-  
tiorem occupationem fuisse oratio-  
nem: quia si excludas tempus, quod  
ad conciones parandas collocabat in  
studiis, quasi semper reperiebatur in  
cubiculo, non vagabatur per domum,  
sed quærebatur in choro vel templo.  
Idque non dumtaxat in decursu anni,  
quando minus occupationibus distra-  
hebatur; sed etiam quando conciona-  
batur, & diebus immediate quadrage-  
simæ proximis; apparebat si quidem  
præ-

præparationem ejus ad prædicandum  
fuisse frequentem & continuatam ora-  
tionem, unde *verbum* ejus *sicut facula*  
*ardebat*: quemadmodum fuit Cremonæ  
observatum, quo vix advenerat, ut  
verbi divini præconem ageret in tem-  
plo Cathedrali, quin hujus veritatis  
specimendaret. Paucis diebus substituit  
in Collegio, prius tamen quam migra-  
ret in cubiculum palatii Episcopalis  
(prout in Italia concionatoribus majo-  
ris notæ mos est) dedit se tantum seces-  
sui & devotioni, ut conclave magis  
ordinarium per diem videretur chorus,  
aut angulus aliquis Ecclesiæ. Et hæ-  
erant ejus visitationes, prensationes,  
officia humanitatis, & invitationes ad  
conciliandos auditores, & concursum  
alliciendum, si quam in urbem venie-  
bat probe cognitus & exspectatus. Ne-  
minem autem eo tempore quo Eccle-  
siastæ munere fungebatur, admitte-  
bat ad colloquium, nisi consilii, aut  
opis spiritualis petendæ gratia. Ad hæc  
mane quo debebat ascendere cathe-  
dram ad prædicandum, impendebat  
magnam temporis partem in eo modo

præparationis , meditando , & com-  
mentando ea quæ dicturus erat ad lu-  
men Magistri sui IESU crucifixi. Quod  
Taurini animadversum fuit à diversis,  
si quidem recipiebat se in cubiculum  
suum matutinis illis horis , & erat quid  
ordinarium eum geniculantem in ter-  
ra in mediocubiculi , & orantem inve-  
nire. Unde surgebat quando tempus  
erat ascendendi suggestum , tam ple-  
nus Deo , & absorptus in Deum , ut  
videretur non meminisse alterius rei,  
vel personæ , quæ illi occurreret , sed  
ibat delatus à Spiritu *ad eruendum ver-*  
*bum bonum* , quod mente collegerat.  
Dum deberet dicere Mediolani festo  
B. Francisci Borgiæ , egressus est cubi-  
culo tempore debito , à nullo monitus;  
& quasi raptus extra se , progressus est  
ad pulpitum sine socio , & superpellie-  
ceo ; admiratus Sacristanus pone illi  
hoc apportavit , & postea adhæsit. Ma-  
ne quodam invitatus ad faciendam  
exhortationem in quadam Sodalitate  
Collegii Genuensis , egressus domo  
professa ut eo iret , incessit tam colle-  
ctus intra se per plateas , ut videretur  
exta-

extasim pati, nec scire quis se salutaret, nisi à comite admoneretur; cui si diceret pauca verba, erant tam mutilata, truncata, & interrupta ut non posset socius colligere sensum: sed videns ita occupatum cum deo, non audebat interpellare, & longe meliorem conversationem inturbare. Cremonæ per illud tempus quo inter concionandum commorabatur in Episcopio, fuit notatum excepto eo otio quo necessario revidendæ suæ concioni vacabat, & erat oppidobreve, totum reliquum quo non erat in alia distractus dare orationi, pari modo genibus flexis in medio pavimenti, & sæpen numero brachiis in formam crucis extensis. Officium divinum recitabat quotidie de genibus, interrumpebat per intervalla frequentibus suspiriis devotionis, quæ cor exhalabat: de quo cum essent certiores factæ non paucæ personæ, prætextu quæsito, aut etiam furtim insinuabant se in ejus cubiculum; ut spectarent actiones tam singularis pietatis, & non digrediebantur nisi ædificati, & non minus compuncti, quam ex

concione prorsus devota. Præterea ibi adhuc fuit observatum fuisse illi familiare, & in nostris domibus, & ubique habitabat, quod singulis vespere secedebat e palatio Episcopali in cathedralem, ad lucrandas indulgentias, & includebat se longo tempore ad fundendas suas preces, in Sacello venerabilis Sacramenti. Pro qualibus & aliis suis devotionibus apparebat vix illi posse vacare tempus: sed ille sibi faciebat, subtrahendo visitationibus, & conversationibus superfluis, omnes illas horas quas poterat, ut impenderet commercio ejus, qui melius eum replebat pace interiori, & solidioribus voluptatibus solabatur. Cum hac devotione, non solum quasi cum robusta unctione, vigor ei accrescebat in laboribus, sed insuper quasi dulci succo condiebat omnes recreaciones; ac propterea diebus relaxationi designatis, si erat invitatus, & jussus egredi ad villam foris, auræ captandæ gratia; aura quam capitabat dulcior erat illa, quæ adspirabatur à collibus æternis. Ita vero. Et ideo quando erat in vinea Collegii Mediolanen-

lanensis circumdatus aliis Religiosis, ut gauderent ejus consortio, quod erat dulcissimum, & desideratissimum, frequenter inveniebatur in sylvis, aut facello domestico, ubi transfigebat multas horas diei, oblectans se cum Deo.

Obibat illa exercitia devotionis tanta cum collectione, ut non recordaretur se aut quæsitum aut vocatum. Eventit Mediolani, quod quispiam ad fores cubiculi sui in domo professa pulsaret ad ostium; & cum videretur illi qui pulsaverat se audiisse vocem quæ responderet *intra*, aperuit ostium, & vidit Patrem in medio cubiculi genibus nixum cum officio in manu, facie multum inflammata, oculis in cœlum elevatis, ita in deum abreptum, ut non adverteret januam apertam, nec se moveret. Quamobrem ille interpellator cum sensu reverentiæ, ne eum turbaret, iterum ostium clausit, & abivit. Alia vice non nemo ex operariis, qui consuerat pro domo laborare in Collegio Mediolanensi, intravit cubiculum ejus (fortasse opinatus Patrem ibi non esse) ut nescio quid utensilium reficeret.

ret. Offendit illum flecentem in medio cubiculi , expansis in modum crucis brachiis , in actu & modo se habendi, qui bene proderet , ubi versaretur cor ejus. Cum non percepisset Pater ex strepitu quod alter intrasset , permisus est frui suis deliciis sine turbatione. Neque solum in cubiculo , sed in aliis etiam locis magis tumultui expositis, ita se noverat ab externis subtrahere, & intra se recipere , tanta cum collecione , ut nequaquam reflecteret ad ea , quæ circa se agebantur. In villa suburbana Collegii Mediolanensis , de qua superius mentionem fecimus , quibusdam Dominis , qui venerant ad eum invisendum , cum nullibi reperiatur , fuit dictum : inventuros se illum in aliquo nemore orantem. Itaque fuit quæsus in sacello , ubi est secessus in loco suavissimæ amœnitatis , & devotionis in medio duorum lucorum acclivis , elegantia rustica in similitudinem Montis Calvariæ adornatus , atque ideo à Patre multum dilectus ob venas dulcissimas spiritus , qui dense isthic saliebat cum gaudia de fontibus salvatoris . Et vero

vero ibi statim fuit inventus , ita ab-  
stractus à sensibus , & absorptus in  
Deum , ut assequutus non fuerit ad-  
ventum , nec audiverit loquentes sæ-  
culares , & alios nostros qui eos de-  
duxerant , donec eum ad se revo-  
cassent & monuissent ; tum enim si-  
bi restitutus surrexit , & excusavit.  
Alias repertus in eodem facello itidem  
à sæcularibus , qui venerant curiosita-  
tis gratia , ad spectandam villæ vici-  
niam ; flexis genibus se ita tenuit im-  
mobilem , ut nullum daret signum no-  
titiæ quemquam supervenisse. Socia-  
bat & fovebat orationem , potissimum  
quando erat solus , actibus externis de-  
votionis , observatis quandoque ab-  
que eo , quod sciret præsentes. In su-  
pradicto facello villæ fuit inventus sta-  
re in oratione brachiis apertis ante cru-  
cifixum , & vel ut veneraretur quin-  
que vulnera , vel alterius devotionis in-  
tuitu , quinies osculari terram , eru-  
ctando aliquas aspirationes ; & perma-  
nebat stans , oculis fixis in IESUM suum  
cruci affixum , gemens & lacrymans  
cum demonstratione tenerrimi affe-

Etus. De quibus & aliis hujuscemodi  
actibus alibi forte plura , quando tra-  
ctabo de ejus pœnitentia , ad quam se  
comparabat : quod si præ sagiret alios  
superventuros , ex desiderio non ma-  
nifestandi sensa suæ devotionis , fugie-  
bat ad fossas quasdam siccas , quæ erant  
in villæ confiniis , permittens aliis sen-  
tire quod vellent de suæ pietatis ex-  
cessibus ; quando securus erat de studio  
secreti , quo cavebat ne aliis innotes-  
cerent ; Quo tempore affectiones , quæ  
animam ejus inebriabant , erant tam  
uberes illius pluviae , quam Deus se-  
gregat hæreditati suæ , ut cor ejus dul-  
cedinis copia obrueretur ; quamvis ip-  
se dissimularet , præsertim quando in  
conspictu aliorum orationi vacabat .  
Verum-tamen in vultu se prodebat , &  
faciei compositione , ut dictum est ,  
multoque magis ex copia dulcium la-  
crymarum , quæ in suo corde tamquam  
ex fonte Paradisi in duo flumina se di-  
videbant . Certe dum esset Novitius  
fuit observatum ab aliis Novitiis , quod  
finita media hora orationis , quam per  
diem omnes faciunt in communi ,  
quan-

quando componebat se ad sedendum cum aliis, ut usus fert, ad faciendam recollectionem, & successum Meditationis expendendum, adhuc non poterat cohibere cursum aquarum, quæ cum impetu fluebant de Libano, ut non fuerint à nonnullis visæ manare per genas ubertim lacrymæ, quibus præter devotionem suam, aliorum quoque spectantium fœcundabat sterilitatem.

Dicebat sacrum cum tanta abun-  
tia affectuum divinorum, ut impar ad  
refrænandam illorum vehementiam &  
intensionem illorum actuum, quos in  
penetralibus versabat, cogeretur per-  
mittere eorum impetum se exonerare  
in suspiria, & transparere fulgetra piis-  
simarum evaporationum, etiam exte-  
rius, quibus permovebat ad devotio-  
nem circumstantes; præfertim tempo-  
re consecrationis, & communionis,  
utpote magis sacrosancto, ex consor-  
tio præsentiae divinæ. Videbatur totus  
fermentari, adeo ut quandoque capil-  
li in capite erigerentur, & quid igneum ex vultu ejacularetur. Unde fa-  
ctum quod sub initia habitationis suæ

in

in Collegio Mediolanensi , sœculares  
qui non noverant eum de nomine,  
motis sanctitate , quæ in eo elucebat in-  
ter celebrandum , appellarent sanctum  
Patrem. Quid in illius intimis visceri-  
bus operaretur Dominus , quando sa-  
cramentaliter eum in sinu pectoris ge-  
stabat , potest argui ex modica qua-  
dam conjectura , quam scripto reli-  
quit , in quo ita dicit. *Operam dabo post-*  
*quam sacramentaliter sum pfero Deum &*  
*Dominum meum : unire illum tam vivaci-*  
*ter per actus amoris internos cordi meo ,*  
*ut mihi imprimat vividam imaginem , &*  
*similitudinem sui , quæ elevet , purificet ,*  
*& virtutem ac præstantiam addat operibus*  
*meis , perficiatque semper magis ac magis in*  
*me imaginem & similitudinem illius Chri-*  
*sti : & nunquam non debebo post sacrifi-*  
*cium Missæ peractum , postulare illud do-*  
*nnum , ut relinquat in anima mea illam for-*  
*titudinem & robur in ordine ad omnes*  
*meas operationes , ac præterea addatur mi-*  
*hi constantia ad perseverandum , & in di-*  
*lectione ejus proficiendum. Ita ille. Unde*  
*non est mirum si anima refertâ illis*  
*splendoribus , in vultum prorumpe-*  
rent

rent radii singularis dovolutionis. Nec solum in operibus spiritualibus, verum etiam in aliis occasionibus vitæ activæ; conversans enim cum hominibus gerebat impressum fronti & oculis certum lumen vultus divini, & afflabat nescio quid cœli & sancti , maxime quando aliquis eum comiter , & cum charitate accedebat ; atque in villa , quando cum juvenibus familiariter agens modulabatur cantiones spirituales , dicebant quidam , quod comperirent in illo accendi affectum erga argumentum carminis sacri , adeo ut similes devotos affectus in aliis quoque excitaret. Tempore morbi non erat illi gratum , si quis eum sermonibus de rebus indifferentibus distraheret , multo minus otiosis & vanis : sed omnem suam conformatiōnē desiderabat è cœlo. Et quando Senæ ægrotabat, monstrabat se non haurire majorem consolationem, quam quando curabat sibi legi aliquem librum spiritualem : si autem Nostri ob suas occupationes non possent hoc illi officium præstare , exigebat hoc à filio suo natu minore , adhuc sæculari , qui per

per id tempus quasi in transitu in nostro isthic Collegio forte hospitabatur.

Neque erat cubiculo vel templo al ligata ejus devotio: sed in Deum fere batur præterea, quocumque iret, & vagaretur. Quando incedebat per domum, salutans obvios, non dicebat illis verbum, ne aspiceret quidem, sed recta ibat vias suas: quod quibusdam visum speciem esse inurbanitatis, aut inadvertentiæ indecoræ; qua de remonitus, utcumque hoc moderatus est, non tantopere tamen, ut respectui hominum non prævaleret, cura custodiendi corsuum, tanquam sedem Dei in pace. Quando ambulabat per plateas fuit observatum, quod citra occasiones extraordinarias, de quibus supra diximus, incederet oculis ita ad modestiam compositis, & quasi penitus in se reflexus; ut non animadver teret, à quo esset salutatus: quod quidam prudentulus arbitrabitur fortasse excessum fuisse potius quam virtutem: sed qui sciverit quantum Deus occupet cor suorum, non improbabit quod ipse suo jure eripiat istud hominibus; qui bus

bus tamen sancti studuerunt etiam satisfacere quando poterant, sine præjudicio Domini. Atque ita P. Antonio Iulio gratum erat, si socius Nomenclatorem ageret, quando salutabatur; ostendens suum non persentiscere, provenire ex sua negligentia & incuria: Quæsita est causa dum esset Taurini à suo Confessario, tam accuratae sensuum custodiæ: aperuit illi confidenter, se ejus satagere ob duas rationes, quarum prima erat, ut non solum excluderet omnem cogitationem impuram, quæ posset irrepere per oculos; verum etiam omnem quantumcumque tenuem affectionem quamvis involuntariam & naturalem, erga creaturas & Mundi vanitates: Altera ratio, ut mordicus retineret in vigore, principia illa æterna, quæ imbiberat; & experimento discebat facile evanescere, aspiciendo lenocinia sesuum, & agendo cum fæcularibus. Unde patet quod illa modestia non fuerit negligentia, sed sollicitudo studiose quæsita. Refectio, cum qua proficiscebatur, & leniebat tedium itineris, erat oratio:

Cum

Cum esset ex itinere delatus in Nove, qui est locus è præcipuis ditionis Genuensis, vix eo devenerat, quando dixit sociis; intelligo quod in hoc loco sit pulchra Ecclesia parochialis, divertam ad eam paululum ad videndam. Hoc dicto subduxit se ex diversorio, & tempore medio, quo alii partim quiescerent, partim facienda curarent; Ille se impendit visitando Domino Deo in templo: nec visitatio fuit cæremonialis aut per transennam, sed duravit per sesquihoram, quam exhausit precando. Venerat ex itinere Bononiam, & invitabatur ut se reficeret. Petiit ubi esset chorus, responsum est in Ecclesia; statim eo se contulit, ut quæreret suum refrigerium. Alia vice de via lassus venerat ad domum Professam Genuensem, derepente divulgatum est per domum ad eise illum; accurrunt Patres ad cubiculum, cupidi eum videre. Non inveniunt. Quaque versum in circuitu eum quærunt; non comparet: Inquirunt ab obviis ubi sit, nemo de eo habet quod dicat. Tandem compertum eum se recepisse ad odæum Tem-

pli,

pli, non per modum volentis raptim & breviter visitare sanctum sanctorum, ut aliqui laudabiliter solent facere, ad ordiendum, vel finiendum iter suum ad pedes Domini: sed ad modum orationis lentæ, & quietæ, & ad absolvendū suas devotiones per viam interruptas. Licet essent tam gratæ ipsi significations charitatis illorum Patrum & Fratrum in recipiendo, quam ejus charitas & adventus ipsis: non minus tamen ab ripiebatur ejus cor eō, ubi experiebatur officiositates minus habere phalerarum, & plus substantiarum. Porro hujus ab externa diffusione abstinentiæ & internæ tam perfectæ collectionis, aspernantis omnem curiositatem quantumvis rationabiliter alienem, dedit singulare exemplum, quando in habitu Sacerdotis sacerularis profectus fuit Romam anno sancto. Etenim tam impigre fuit intentus quæstui illius sanctitatis, quæ eum eo traxerat, ut toto illo tempore, quo commoratus est in illa urbe tam abundante curiosis aspectibus, numquam dignatus fuerit videre palatia, fontes, hortos

amoenitatis, & alia hujusmodi oblectamenta, quæ distrahere poterant, & aliquid habere vanæ curiositatis: quodque magis mirabile, ne quidem illa loca spectavit, quæ quadam specie rerum sacrarum coruscabant, & excularre poterant curiositatem; qualia erant aulæ Cardinalium & ornamenta Ecclesiarum, adeo ut Româ discesserit, ne viso quidem Pontifice maximo, qui erat Innocentius X. Vilia illi videbantur omnia, quæ in mundo pro magnis & sublimibus habentur, & sicut dicit Sanctus Gregorius de divo Benedicto, contemplabatur mundum in radio Solis uno, & apparebat illi tam exilis, ut non esset dignus nostra æstimatione. Aspectus quem fixerat in illum splendidum & jucundum radium divinæ lucis, ita illum rapuerat, ut ita sentiret. Et pro ut testati sunt quidam, qui consuetudine ejus gaudebant frequentius, semper adspirabat ad beatam æternitatem; illam continuò habebat in ore, nec amplius invidia movebatur eorum, qui sicut cedri Libani eminebant in terra, sed eorum sortem æmulabatur,

tur, qui videbantur illi majores fore in  
cœlo. Vnde cernens subinde pauper-  
culos, nutu arridens opulentioribus,  
inquietabat; isti miselli honoratori loco  
potituri sunt in cœlo. Ab isto divino lu-  
mine ita illustrata fuit ejus anima, ut  
sicut ejus **Confessarius** declaravit, es-  
set repleta splendoribus, qui conscienciam  
illi reddebat suam non quidem  
scrupulosam, sed delicatam & exactissimam  
in cognoscendo omni nævo,  
quantumvis minimo. Et quidem ad  
imperrandam illam tam perspicuam  
notitiam etiam minutarum labecula-  
rum, quæ animæ perfectum nitorem  
quadam tenus obscurare poterant; non  
veniebat illi solum illud lumen ab alto,  
sine suo studio gratis infusum: sed ad-  
hibuerat magnam industriam per seve-  
ra & frequentia examina: quippe re-  
pertum est in ejus annotationibus,  
quod excuteret conscientiam suam  
mane antequam egrederetur domo, si  
quidem egrederetur; & sub prandium  
iterum, dum erat regressus domum.  
Pari modo à prandio priusquam se  
componeret ad agendum cum proxi-

H 2 mo;

mo; denuo sub vesperam quando se recipiebat ad cubiculum; denique tempore præscripto sub noctem antequam daret se quieti. Quo usu se frequenter excutiendi, meruit & acquisivit illud lumen ut ne minima quidem festuca illum lateret.

## C A P V T    V I .

*Zelus animarum quo flagravit P. Antonius Julius.*

**A**B illo lumine divino accendebatur in illo magnus Zelus animarum, qui profecto in illo fuit melioris notæ, & singulariter eum impellens, ut omnes nervos intenderet ad eas lucrandas. Si huic studio adhuc Sacerdos ita incumbebat; & concionabatur semper in vitia invehendo, summa libertate & ardore instar novi Eliæ, quemadmodum supra tetulimus, quanto amplius se exeruerit Spiritus qui in illo loquebatur, quando status Religiosus magis propriam illi fecerat libertatem Evangelicam: & si tantope-

re